

武英殿聚珍版丛书

春秋辨疑卷四

宋

蕭

楚

撰

不書來辨

凡自內之外則曰如如者往彼也自外之內則曰來來者向我也辨內外之稱也其有當書來而不書者則各有義也單伯送王姬不書來者不予王使魯主婚于齊也原註單伯二傳以爲魯臣而書逆攷之經傳則王臣也當以左氏爲信別有論魯桓見殺于齊乃邦國之大亂王不能討反使魯主婚焉王失政矣莊公慘然在衰經之中不可以行吉禮況齊襄乃父之

讎人乎夫忘父之讎非孝也王命失正而從焉非忠也
故不予其來示魯不當受也所以譏王而勸忠孝之道
也下書築王姬之館王姬歸于齊者見莊公之順非也
陷王于不正而忘忠與孝之道也王使榮叔歸含且賵
不書來者不予王賵人之妾母也妾母稱夫人自成風
始王不能正從而夫人禮之是亂天下嫡庶之分也故
不予其來爲非正也所以導後世嫡妾之分也其不言
天王者譏王之不王不足以承天而正天下也

原註天
王天子

王別
有論

或曰歸仲子之賵何以言來而書天王曰彼直賵

妾耳不俟譏貶而義自見也

原註仲子不稱夫人

聖人于春秋事

有違禮失正于是有予奪之文裁成其義而不指斥之

此孟子所謂竊取其義莊周所謂議而不辨也齊人歸

公孫敖之喪不書來者無使來也

原註齊國無使人來

案傳文公

孫敖奔齊子惠叔繼主其後敖未復惠叔以為請許之

將來而卒告喪請葬弗許齊人或為孟氏謀飾棺置魯

界上卞人以告惠叔猶毀以請許之如此非齊專使來

也案經先年書敖卒于齊見魯不絕其為臣也

原註春秋非大

夫不書卒次年始書齊人歸敖喪見魯初不受其喪也生不

絕其爲臣死而不受其喪是無禮于舊臣也薄公族之恩虧仁孝之道陸子曰我大夫喪而使齊人歸之君臣之義闕惡可知矣況臣其子而不受其喪乎主書者專惡魯也齊人歸讙及闡不書來亦無使來也

原註時哀公伐邾以

邾子益來邾子齊甥爲是取讙及闡公懼歸邾子于邾齊人乃令讙闡歸于我亦非專使來也所以書

者惡魯廢置人之君惡齊擅予奪人之地皆王法所當誅也凡此不書來同而事類異則各有義杜預謂春秋不以錯文見義此真有左氏之癖爾未足與研仲尼之志也

子哀辨

宋子哀來奔或曰子宋姓哀名也案蔡公子履陳公子
畱皆國族出奔何以不繫姓而稱公子也用知子哀乃
字左氏得其旨當是時臣子貪權怙恃冒居寵利至傾
家赤族相繼于時如公子哀亦可謂春秋之知幾者或
曰宋公之子子同子糾之類亦非也子者對父之稱諸
侯薨未葬嗣君稱子者以柩在猶如父存故曰子此對
父之稱也子糾齊襄公之庶長襄公卒無正嫡位次當
立故仲尼正名書曰子言其當繼父也

原註諸侯庶子稱公子言先公

之子糾當立故聖筆去公以糾繼父稱子則小白篡國

字止曰子以其繼父故也

以糾繼父稱子則小白篡國

殺兄之罪彰矣子同魯桓公之正嫡

原註案傳桓公以太子之禮舉之史

必書世子孔子脩春秋去其世字耳

聖人以桓公弑兄竊國王法所誅絕

故于同生不書世言不得繼世享國也止書子者所謂

對父之稱也名曰有父之子爾非有國之子也春秋大

逆內始于桓公聖人罪其首惡書之雖隱而顯使後世

有攷然耳或曰稱子一也何以見其正與否曰齊襄既

卒而糾書子焉則知其子也魯桓存而同書子焉則知

其譏也

原註同當稱世子糾當稱公子

春秋紀事雖止一字而事類不

同則各有旨故曰善惡不嫌同辭以美惡自辨也

案辨原本

作辭今改正

地名不繫所屬之國辨

原註若山屬晉而不言晉梁山

或曰春秋盟會戰敗之所與山崩麓崩直名其地不繫

所屬之國何也

原註若盟于某戰于某竝不言某國之地

曰示諸侯不得專

其地諸侯受封邦畿等衰雖各有分域然而功罪之不

齊先王于是有加地削地之法焉是邦國之地制在王

也諸侯不得有也夫能制邦國之地然後能黜陟諸侯

能黜陟諸侯然後制華夏于治平故春秋書地名不繫

于邦國言天下之地制歸于王也春秋書王月或王正月二月三月然後紀事然後紀諸侯行事示天下之事必統于王也天下之地制歸于王天下之事統歸于王而強侯暴國猶能跋扈作亂者未之有也周之失天下者反此故春秋具其文以告後也

原註其繫本國而言如宋彭城鄭虎牢之

類則各有義也

春秋字訓辨

案辨原本作解是書前後篇目統名曰辨此處不應獨異今改從畫一

如之外也往彼也來之內也向我也獻薦上也呈也初獻六羽薦于廟也來獻捷呈于我也錫上予下也畀與

也非上非下也告謁也有所請也告于廟言謁廟也告

糴于齊有所請也不言求假者貨財易之也原註告亦求勾之意

糴言告者非直求勾于彼以財貨請之也國語文仲以鬯圭玉磬如齊告糴泛視之謂之觀

審觀之謂之視原註視者觀之審也老子曰視之不見名曰夷語曰視其所以觀其所由由所

從出則有蹤迹故觀之而已所以測其意也故曰視揚子曰得其言未得其所以言其所以言者又其意之所

指也春秋于朔曰視諸侯朝廟視朔然後聽其月脩舊之政欲其審故也于魚社曰觀言其觀覽而已

之謂新原註新延廢言脩葺其舊創而為之之謂作原註

作僖主作邱甲之類始創為之也新作南門之類起而

置之之謂立原註荷錯于地謂之置起而置之之謂立煬宮武宮言立二主之宮除去已久今再

興建不言作者以非本無始正創爲之也故皆曰立觀其文則知二宮既廢今又起置也如衛人立晉之類晉本庶子位卑下衛人尊之使在大位是亦起而置之之意故亦謂之立傳曰立者不宜立也謂非正嫡次當立者故于魯則曰卽位卽就之也言以此爲始之謂初原其次當立今正就位云爾內辭也如初稅畝後世遂以爲常故哀公曰二吾猶不足如之何其微則知所謂初者後世遂用之以此爲其始耳求覓也平交之稱也得不得未可知之辭也原註經書求金求車之類譏王室取下之非制也邦畿則有經賦列國則有常貢非貢非賦而取焉是無法也故曰來求言來覓而已不以上下之辭稱之譏在王室也所以防後世之貪殘也家語季孫之宰曰君使求假于田孔子曰君有取于臣謂之取有與于臣謂之賜臣有取于君謂之假與于君謂之獻季孫遂命其宰曰自今君有取不得言假則知所謂求假非上取下乞卑下以求之也重其事也之辭故曰譏在王室也

尊彼之辭也

原註乞亦求也如乞盟乞師之類皆以其事為重故自卑下以求之自卑下之以尊

彼欲必得

假者借也有還之辭也

原註許田曰假諱易地也諸侯之地皆王

者所封而擅以與人是謂無王而行罪之大者故

用直

遜其辭曰假若曰權借之將復還我焉內辭也

原註以者用之意也如鄭

用也以者其意也意所使也

示勤意在于假田非謂用璧換田也伐楚以救江時楚

人圍江陽處父帥師伐楚冀楚還師而救楚而江圍即

解耳是其意在于救江也以楚師伐齊謂我無師親臨

只使楚師伐之是楚師伐齊行我意耳非其自欲也如

我自為領師親臨行陣則當曰用得者偶得也獲者得

如用牲用幣之類我直用之而已

之難也

原註麟言獲狩而後得之也諸侯言獲戰敗然

後得之也如此之類皆致力焉故曰得之難也

寶王大弓曰得者若

暨者及之難辭也

原註及者以次

偶得之云耳內辭也

及之暨者不得

春火燁定

卷四

六一

已而相及難辭也如宋公之弟辰暨仲佗出奔觀其文則知佗爲辰所強率辰既叛兄爲國惡又強率其大臣以出其惡大矣故書暨用見其難所以甚辰之惡而罪佗之不能守正也于後又書宋公之弟辰及仲佗入于蕭以叛則以辰首惡次及仲佗耳此乃者而之難也原一字難易之辨而罪之輕重可見矣公孫敖如京師不至而復公子遂如晉至黃乃復其廢君命一也然書曰復不言所至于下書其奔則知敖以姦無故廢君命也遂書乃復言至黃于下書卒則知遂以疾然後返非輒無故廢命者其罪亦有閒矣日中而克葬日下昃乃克葬其葬不以制同然至于日下昃乃成葬焉幾于不能襄事故曰乃克則難之兼備又甚矣公羊曰而難辭也謂文句將斷處則用而字飾不者直而續之亦可謂難辭也乃難乎其說是也

不爲也弗者不之有故之辭非直不可爲也

原註晉人納捷菑于

邾弗克納非晉之力不能納以邾人辭捷非世子故不成納也公追齊師至鄆弗及者非直不可及畏不敢前

鄆齊地公不能謹邊候齊人來侵而不覺既去而後追之又深入其地始悟畏齊而不進齊大國使其兵衆未遠若邊鄙有伏能保其無危乎故書至某弗及所以譏公量敵之晚而示後世行師之不可輕易也若直不爲之則曰不不告月壤而撤之曰毀原註毀泉臺言壞而不視朔之類是也

夷其險阻曰墮原註墮邱墮費謂摧毀其城塹險阻而平之也牆垣曰築原註築圉

築邑之類謂止爲其有壘土曰築原註築臺之類壘土垣牆之衛而已矣

曰築者古人爲居室皆用上詩曰築室百堵王姬之館不惟有居室之制又在外則有垣牆之衛故總以築言

之城乘也高廣可乘守也原註凡城必高廣又有埠坻以蔽守禦者故曰城言乘而

可成守也案經書城邢城杞城成周三者則國與京師非只爲垣牆之衛而已則知所謂城者皆高廣可登守

也又襄公時城費定公時南蒯以費叛于是墮費蓋其險阻可恃故姦臣據之而叛若只垣牆又何墮之哉益

知所謂城者皆可登守也左氏能勝之曰克上討下之

辭也原註納捷蓄于邾弗克納以我辭屈不能勝彼故

曰大師克相遇皆言能勝也揚子曰勝已之私之謂克還旋也始離彼也復則反

也原註公還自晉鄭伯會公于棐公至自齊則知言還

而便返此耳還殺戕刺弑皆殺也殘而殺之曰戕以法

者旋意同轉也殺之曰刺原註魯殺大夫曰刺言積習而至曰弑弑下

殺上之辭也原註國語下虐上曰弑弑猶殺也言積習

者漸矣夫為君為父尊親莫甚焉至于見殺其積習雖

久矣故下殺上曰弑抑欲為君父者辨之于早可也雖

然是皆春秋之旨他經則泥矣原註書曰讓于稷契暨

皐陶及皐陶爾無難意

也詩云弗躬弗親刺王不躬親爾非謂有故而不躬親也故曰他經則泥矣

● 王天子天王辨

王者大之稱自人而言之也

原註尚書緯曰帝凡物于者天號王者人稱

其類而大者人皆謂之王

原註鮪之大者曰王鮪之大者曰王大父則

曰王父天子者言繼天而爲子至貴之稱此王天子名

實之辨至于有諸侯之事或稱天子或稱王則各有旨

案觀禮諸侯至郊稱王命以勞之知其順命于王所則

稱天子賜之舍戒之以率力乃事自是皆稱天子以禮

之于其享乃稱王撫玉至其右袒右立告聽事則又稱

天子賜之篚服命書饗禮推是論之稱王者以大臨諸

侯也稱天子者以貴親諸侯也

原註孟子曰親之欲其貴也

以大臨

之者威之也以貴親之者懷之也威德行則人畏慕人
畏慕則姦宄不作先王所以能御天下者審于此書曰
汝其敬識百辟享亦識其有不享凡此所稱乃其常也
其曰天王者猶天之王至大之稱稱其至大則其威之
亦大矣此其非常也案禮王崩告喪臨諸侯皆稱天王
周官司服爲天王斬衰春秋王崩亦書天王蓋以大喪
之際嗣君之初君道未著人心未寧正危疑之機大姦